



UNIVERSITÄTS-
BIBLIOTHEK
PADERBORN

Universitätsbibliothek Paderborn

Œcumenica Cathedræ Apostolicæ Avthoritas

Reding, Augustin

[Ort nicht ermittelt], Anno M.DC.LXXXIX.

Disquisitio III. Utrùm ex sacris Litteris demonstrari queat, Papæ ex
Cathedra loquentis iudicium esse, irreformabile?

urn:nbn:de:hbz:466:1-38717

argumenti, convincentem prudentiali: fidei credibilitatis evidentiã practicã importantis, idcirco ex tali Ecclesiã consensione accrescit Papæ iudicio aliquod certitudinis prædicte convincentis fundamentum, ut exinde jam dici queat quoad nos reddi certius, quod Papæ iudicium ex Petra & Cathedra ipsius Apostolicã promanarit.

PROBATIO III.


Prioris continuativa & explicatoria per similitudinem mox exponendam.

46. **A**daptari hæc percommode potest illud Christi verbum Matthæi 5. dicentis: Neque accendunt lucernam, & ponunt eam sub modio, sed super candelabrum, ut luceat omnibus, qui in domo sunt. Dum namque Papa definit ex Cathedra Apostolicã, profert verbi Divini lucernam, ex ipso fidei lumine accensam, primitus quidem peccatore suo reconditam, sed postea diplomate suo fidelium conspectui exponi inchoatam, ubi verò consensione Ecclesiæ est comprobata, super candelabro eatenus positam, ut luceat omnibus, qui sunt in domo sanctæ Ecclesiæ. Hæc enim Ecclesiæ vel in Concilio Oecumenico repræsentatæ, vel in fidei unitatem conspirantis consensio, est quasi candelabrum, præbens evidentiã credibilitatis prudentialis, in vi cuius argumentum prædicte convincens resulter ad fidei assensum, Verbo Dei per Papam ex Cathedra loquentem definito necessariò præbendum. Quomodo modum igitur candelabrum nihil lucis affundit lucernæ super ipsum positæ, attamen hæc adaptat, ut lucere possit omnibus, qui in domo sunt; sic Papæ ex Cathedra definitis iudicium ipsa per Primam Veritatem specificatã certitudinem collucens, nullum certitudinis fidei propriæ incrementum recipit ex Ecclesiæ consensione, attamen per hæc, ceu prudentialis credibilitatis prædicte convincentem evidentiã adaptatur, ut luceat omnibus, qui sunt in sancta domo Ecclesiæ, quatenus ex Ecclesiæ consensione resulter obligatio, sub ipsa fidei necessitate constringens ad assentiendum dogmati per Papam definito, in vi cuius, oporteat, respectu dogmatis tali modo super candelabrum positi, intellectum captivare in fidei ac Primæ Veritatis obsequium.

Corollarium.

47. **E**X dictis infertur. Hanc propositionem, quod iudicium Papæ ex Cathedra loquentis sit omnimodè certum, ac irreformabile, non ineptè æquiparari posse cum ista propositione; quod de fide sit, Innocentium XI. esse Papam legitimum, Christi in Ecclesiã Vicarium, Pastorem Oecumenicum. Explicatur. Quomodo modum enim ista posterior propositio est de fide, quatenus continetur in hac universali, quod legitimus Petri Successor sit Christi in Ecclesiã Vicarius, & Pastor Oecumenicus, sic dogma à Summo Pontifice definitum est de fide, quatenus

continetur sub ista universali, quod Petri Successor loquens ex Cathedra Apostolica sit Petra, super quam ædificatur Ecclesiã, cumque Ecclesiæ ædificatio sit formaliter per fidem, oportet, quod dogma à Papa taliter definitum sit fidei verbum. Quamvis proinde extiterit fidei Divinã certum, quod Innocentius XI. ab illo statim instanti, quo per Cardinalium designationem coepit esse legitimus Petri Successor, inceperit esse Christi in Ecclesiã Vicarius & Pastor Oecumenicus, attamen ipsissima hæc fidei veritas quoad nos ex tunc primùm accepit convincentem prudentialis credibilitatis evidentiã practicã, quando non rumoribus duntaxat humanis, seu litteris quantumvis authenticis fuit ad nos delata, sed quando ei accessit consensio Ecclesiæ. Pari igitur ratione, si Papa ex Cathedra definiat fidei articulum, litteræ quantumvis authenticæ ultimam quoad nos certitudinem, & prudentialis credibilitatis evidentiã consummatam sub fidei necessitate constringentem ad credendum non adferunt, quod Papa sit locutus ex Cathedra, sicque adeo dogma tanquam de fide certum definitum fuerit, nisi mediante Ecclesiã in Concilio Oecumenico repræsentatæ, vel in fidei unitatem conspirantis consensione.



DISQUISITIO III.

Verum ex sacris Litteris demonstrari queat, Papam ex Cathedra loquentis iudicium esse irreformabile.

§. I.

Hujus quæsitæ resolutionem affirmativam affirmant Doctores ipsdem semper sacre Scripturæ textibus, diversimodè licet pro ingeniorum varietate applicatis. Quia proinde ipsissima hæc iudiciorum in hominibus discrepantia delectatur differentibus proponendi modis, visum nobis est operæpretium, aliorum Doctorum iudicia hæc super re prius audire, quam ut nostram ex ipsdem Divinis Oraculis argumentandi methodum proficemus.

2. Author igitur de libertatibus Ecclesiæ Gallicanæ cit. lib. 7. cap. 2. ad præsens institutum, sequenti normã procedit. Summum Pontificem, inquiens, esse Caput Ecclesiæ, profelli sunt etiam ipsi Episcopi Parisiis anno proximè præterito congregati ad cohibendam Curiam Romanam, ne, ut ipsi metuere videbantur, jurisdictionis Episcopalis jura paulatim invaderet, & infringeret. Et lanè Concilium Constantiense, cui Galli tantum deferunt, inter alios Wicleffi articulos, illum damnavit, qui hanc Papæ dignitatem, auctoritatemque abrogabat. Quoniam autem fundamentum nititur Catholica doctrina, hæreticorum, & schismaticorum acephaliæ opposita? Ubinam Evangelij de Pontifice Romano sit mentio, cum ne quidem Pontifex Romæ existeret, quando res in Evangelio narratæ

X y y y 3

geitæ

Disquis. II. PROBATIO II. Quod ostenditur fidei firmam esse de qualis sit veritas etc. in Summo Pontifice etc. consensione, attamen ipsa hæc fidei veritas quoad nos ex tunc primùm accepit convincentem prudentialis credibilitatis evidentiã practicã, quando non rumoribus duntaxat humanis, seu litteris quantumvis authenticis fuit ad nos delata, sed quando ei accessit consensio Ecclesiæ.

gestæ sunt? Sufficit, inquit, ut certò sciamus, Summum Pontificem esse successorem S. Petri, ut inde certò etiam colligamus, illum huius esse dignitatis & autoritatis hæredem. Ita est omninò. Ad Divinam enim providentiam pertinet, ut quibus idem confert officium, eandem tribuat autoritatem.

3. Atqui evidentiùs in Scripturis (de Traditione enim constat ex sequentibus capitibus) patet, D. Petrum, ut supremum Ecclesiæ Pastorem, tam privilegium non errandi in fide obtinuisse à Christo, quam Romanos Pontifices fore sancti Petri successores in cura universarum Christi ovium, cur ergo, qui in Romanis Pontificibus istud sancti Petri officium agnoscunt, etiam nihil à fide alienum statuendi prærogativam eis non concedunt? Petrum, ut Ecclesiæ Pastorem privilegium non errandi à Christo accepisse, ita est in Evangelio luculentius significatum, ut nihil videatur in eo luculentius. *Lucæ 22. ait Dominus: Simon, Simon, ecce sathanas expetivit vos, ut cribraret sicut triticum: ego autem rogavi pro te, ut non deficiat fides tua, & tu aliquando conversus confirma fratres tuos.* Quocirca patet primò, Christum aliquam Petro præ ceteris Apostolis gratiam postulasse; ad eum enim singulariter dirigitur sermo: *Simon, Simon; Pro te; Fides tua; Et tu; Confirma fratres tuos.* Quodque prælationem Petri specialius indigitat, cum communem omnium Apostolorum circa fidem tentationem commemorasset, reliquis prætermisissis, ad Petrum solum sermonem dirigit: *Ecce sathanas expetivit vos; Ego rogavi pro te: Sed quid dico prætermisissis? Imò eorum expressà factà mentione, sed eo fine, ut doceat eos à Petro, vel eorum successores à successoribus eius confirmandos in fide; Et tu aliquando conversus confirma fratres tuos.* Secundò patet, hanc gratiam à Christo impetratam Petro, non ut privatæ personæ tantum, sed ut Apostolo, & Apostolorum ipsorum Pastori; *Ut non deficiat fides tua; Et tu confirma fratres tuos.* Tertio conjunctio, & causam indicare videtur, cu Christus pro Petro specialiter rogaverit, si demque indeficientem exoraverit, scilicet, ut alios confirmaret; *Non deficiet fides tua; Et tu confirma fratres tuos.* Quod ad officium, atque adeò ad successores pertinet.

4. Porro, quâ ratione alios posset confirmare, qui titubaret ipse? vel potius quomodo posset labantes sustinere, aut lapsos erigere, si ipse non solum per hæresim jam corruisset, sed etiam alios per propositionem hæretici dogmatis, publicè toti Ecclesiæ factam, ad casum posset impellere? Necesse est, ut firmiter stet, cujus officium est aliorum impedire casum, aut ruinam reparare: eum, qui dux aliorum constituitur, oculis valere oportet. Alioquin illorum incolumitati non consulitur, sed utrique ad foveam mittuntur; præsertim, dum non est alius, qui à recto tramite deviantes moneat. Quod à Jdo, ne quis reponat, posse fideles à Summo Pontifice deceptos ad veritatis viam revocari à Concilio Generali. Sicut enim (quod in anterioribus no-

tavimus) tribus primis facultis impossibile fuit, Concilium Generale congregare, ita totidem, & pluribus posset eadem facultas esse, his præsertim temporibus.

Sed ut ad propositam rationem redeamus, quo Scripturæ loco tam aperte declaratur, Romanum Pontificem esse Beati Petri successorem, & Caput Ecclesiæ, quod de fide esse, concedunt etiam Illustrissimi Episcopi Gallicani; quam eo, quod adduximus, testimonio constat, Beato Petro, ut Ecclesiæ Capiti, & supremo Pastori datam esse fidem indeficientem.

Dum Christus *Joann. ult.* suas oves Petro pascendas commisit his verbis: *Pasce oves meas, nonne cum officio, cetera etiam, illi ritè obeundo necessaria claritas est; quæ in genere videtur fuisse indefectibile in materia fidei iudicium.* Cùm enim id maxime curare debeat spiritalis Pastor, ut fides incorrupta servetur in grege, quippe quæ radix sit, quæ permanente, reviviscere ceteræ virtutes possint, quæ sublatâ, penè omnia sublatâ sit spes salutis, ac sine fide impossibile sit placere Deo, vel salutem æternam consequi: convenit omninò, ut cui suprema totius gregis Domini cura incumbit, eâ dote præditus sit, ut oves ipsius vocem sequentes a venenosis errorum herbis se non inficiendas, sed salubribus veritatis pascuis alendas, & impinguandas securissimè confidant.

Præterea, ut Ecclesiæ, quæ est columna & firmamentum veritatis (hanc enim eî dicitur tribuit Spiritus sanctus per B. Paulum 1. *Timoth. 3.*) firmiter stet, necesse est, ut firmamentum, quo nititur, sit in fide firmum, & inconcussum, Petrus autem, ejusque adeò Successor Romanus Pontifex est fundamentum Ecclesiæ, id est, quando toti Ecclesiæ fide credenda proponit, in fide ipse firmissimè stare, ne illo deficiente, totum Ecclesiæ corruat ædificium. Ecquis enim, nisi fortè ab Ecclesiâ cum modernis hæreticis extorris, concedere audeat, Ecclesiâ concidere posse, dicente Christo post verba modò adducta: *Et porta inferi non prævalebunt adversus eam? Quis sine horrore audiat, vel audit etiam omninò hominem blasphemantem, & confitentem Christum viro stulto, qui ædificavit domum suam super arenam? Hinc sequeretur error hæreticorum: Et descendit pluvia, & fluxerunt venti, & irruerunt in domum illam, & cecidit, & facta ruina illius magna.* Nonne potius Christus super Petram ædificans Ecclesiam suam, assimilabitur viro sapienti, qui ædificavit domum suam super Petram. *Et descendit pluvia, & venturæ flumina, & fluxerunt venti, & irruerunt in domum illam, & non cecidit? Sed quæ tantæ firmitatis est causa? Fundata enim erat super Petram.* *Matth. 7.*

Certè non sine aliquo mysterio Christus nomen proprium Simonis in nomen Petri, aut Petræ commutavit, hoc enim tantum signi-

significat vox Græca, & ita Christus ipse interpretatur. Myſterium autem illud indicant verba ſuprà relata: Tu es Petrus, & ſuprà hanc Petram adificabo Eccleſiam meam. Quorum enim Christus poſt confeſſionem ſux Divinitatis à Petro, revelante Patre cæleſti, factam, dixiſſet: Tu es Petrus, niſi eo nomine ſignificare voluiſſet, ſe hanc ei dignitatem pro illius confeſſionis præmio conferre, ut immotum eſſet Eccleſiæ fundamentum, ſicut explicant verba ſequentia: Et ſuper hanc Petram adificabo Eccleſiam meam.

9. Hæc autem dixit Chriſtus Petro poſt publicam illam fidei profeſſionem: Tu es Chriſtus filius Dei vivi, quam tantoperè laudavit Chriſtus: Beatus es Simon Barjona, quia caro & ſanguis non revelavit tibi, ſed Pater meus, qui in cælis eſt: Et ego dico tibi, quia tu es Petrus &c. quam confeſſionem ſolus edidit Petrus, licet interrogati omnes Apoſtoli fuiſſent: Vos autem, quem me eſſe dicitis? Ut intelligas, eum totam Eccleſiam repræſentare, cujus futurus erat fundamentum.

S. II.

Referuntur ac expenduntur Adverſariorum argumenta cum reſponſionibus, & concluſione ſuper ijs reflexivâ.

10.] Auctor Regalis ſacerdotij lib. 3. §. 2. n. 4. obſervat, ſi Adverſarij Conciliorum auctoritatem Pontificia ita præferrent, ut tunc ſolum Pontificis ſententias & definitiones in dubium vocarent, cum à Concilio improbantur, tolerari utcumque poſſe: ſed ipſos, nullius Concilij expectatâ ſententiâ, ſibi judicium arrogare ſuper reformandâ Papæ definitione, eo ſolo prætextu adductos, quod Papa extra Concilium errare poſſit. Circa hoc igitur prætenſum, ſed uti inferius patebit, falſum principium, videre hic lubeat, quibus adverſa pars nitatur argumentis.

ARGUMENTUM I. Adverſariorum.

11. EX parte iſtorum opponitur, Ipſosmet ſanctos Patres, & Canones dicere, quod Pontifex in hæreſim lapſus judicari debeat à Concilio. Supponitur ergo, poſſe in hæreſim labi.

Reſponſio.

12. Auctor præcitatus §. 9. n. 1. reſpondet. Canones expreſſe loqui de errore perſonali, non judiciali. Nempe Pontificem poſſe quidem hæreticum eſſe, non tamen poſſe hæreſim publicè, & ex Cathedra docere, quem admodum Petro, ac Eccleſiæ promiſſum fuerit. Etenim error perſonalis vel occultus eſt, vel privatis ſcriptionibus à Pontifice ſine imperio inſperſus, nihil adeo nocens Eccleſiæ, cum omnes ſciant, Pontificem extra Cathedram

errare poſſe, nec illius privatas opiniones alio vultu, quam privati Doctõris legant, tantumque illis tribuant, quantum ponderi & rationis habent. Cujus rei exemplum in Veteri Teſtamento habetur Num. 14. ubi Baalam Propheta Dei, quamvis vellet, maximeque percuperet, populo Iſraelitico maledicere, nunquam tamen Deo prohibente, potuit: Non poterò, inquit, præterire ſermonem Domini Dei mei. Neque Summo Antiqui Fœderis Sacerdoti canebat Oraculum, niſi ſacris induto, & Pontificem agenti. Idem ergo eſt dicendum de Romano Pontifice lequente ex Cathedra.

Objectio.

13. EX parte adverſa replicari poteſt. Perpetuum fore miraculum, ſi homo dicatur errare non poſſe, vel quam in ſe concepit, hæreſim docere non poſſe.

Reſponſio.

14. Idem Auctor ubi ſuprà reſpondet. Verum ſci, ſi per miraculum hic intelligatur res visibilis naturæ ſuperior: neque verò iſtud in Eccleſiâ eſſe novum, ſed quotidianum, uti patet in juſtificatione peccatorum, adminiſtratione Sacramentorum, & incruento Miſſæ ſacrificio. Nec porro difficilius eſſe Deo, agere ſuprà, ac juxta naturam, cum omnia voluntate, ac nutu peragat, nihilque naturæ creatæ, ſe magis innatum, quam volenti Deo obedire, ut quidquid, agente Deo, naturæ ſuprà naturam accidit, ipſi ſit magis contentaneum, quam ipſa natura, quam Philoſophi vocant potentiam obedientialem.

ARGUMENTUM II. Adverſariorum.

15. EX parte adverſa licet 2. argumentari. Aſſentientia Spiritûs ſancti eſt Romano Pontifici ea ſub conditione promiſſa, ut iſ in rebus ſibi declarandis ſufficientem adhibeat diligentiam, humanoque procedat modo, prout in rebus arduis, ſummique momenti homines ſolent, nec enim, ſi intemperijs agitato aliqua excideret conſtitutio, eam continuo per fidei dogmata recipiendam eſſe. Unde duplex duci argumentum. Primum, quia ut huic neceſſariæ diligentie ſatiſfiat, videri Concilium omnino neceſſarium, quippe cum hujus indiſtinctio ſit ſupremus gradus humanæ diligentie, quâ major adhiberi non poſſit. Secundum, quia nobis conſtare non poteſt, an Romanus Pontifex ſufficientem, & inveniendam veritati neceſſariam adhibuerit diligentiam, ideo etiam conſtare non poſſe de veritate ab eo factæ deciſionis, utpote quæ alligata ſit illi diligentie.

Reſponſio.

16. PRæfatus Auctor Regalis ſacerdotij cit. §. 9. n. 3. reſpondet. Verum eſſe, quod oportet,

teat, Romanum Pontificem adhibitis pro negotij qualitate, Doctorum consilijs, matureque expensâ rei veritate, res fidei decernere, nec Deum præcipitanti in re tanta, & temerarijs sententijs radium suum accommodare: sed ad has humanæ industriæ partes explendas, minimè necessaria esse Concilia. Si enim hæc essent necessaria, cur in primitivâ Ecclesiâ tot hæresibus agitâta, cessatum est à Concilijs? Imò hæc impedimento potius sunt, ubi lenta remedia morbus non admittit, quod maximè in hæresi extinguendâ verum est, quæ nisi in favilla opprimatur, in incendium erumpit. Quod si ponatur casus, in quo sit opus Concilio, Deum, qui nunquam Ecclesiæ in necessarijs desit, neque hic defuturum: neque tamen Pontificis sententiam tunc esse alligatam plurium suffragijs, sed illi parti, quam æquiores crediderit, quamvis minori: quippe cum ad prudentiam, humanamque industriam minimè pertineat, pluribus semper adherere, sed melioribus.

Objectio.

17. Instari potest ex parte adversa. Unde Iconstare posse, quod à Pontifice sit præstita diligentia sufficiens ad fidei dogma statuendum, seu qualis ad hoc requiratur causa, maximè cum hoc sit *Falsi*, in quo Pontifex errare possit?

Responsio.

18. Auctor præcitatus cit. n. 3. reponit Idem opponi posse Concilio, cum hoc etiam in *Falso* errare possit. Esse igitur aliquas, quæ ad *Falsum* quidem spectant, sed quia à Deo revelata sunt, aut saltem cum revelatis connexa, & ad publicum Ecclesiæ bonum spectantia, in ijs æquè, ac in *Veris* quæstionibus, neque Pontificem, neque Ecclesiam errare, aut deficere posse: Deo enim curæ esse, ne desint fini à se præfixo media accommodata. Cum ergo voluerit Deus, sententias fidei à Pontifice latas, haberi ratas fixasque, nec errore aliquo corruptas, ipsum etiam curare, ne sint temerariæ, cæcoque impetu & absque consilio profusæ: quemadmodum quia Deus Abraham filium promiserat, & ex filio perpetuam successionem, ipsumque Messiam, ad eundem spectasse Deum, ut à sterili filius naceretur, nec ante tempus, quamvis occidi iussus, quamvis gladio jam subiectus, vitam finiret. Quod pulchrè S. Paulus ad Romanos cap. 4. exprimit: *Et non infirmatus est, inquam, Abraham fide, nec consideravit corpus suum emortuum, cum jam serè centum esset annorum, & emortuam vulvam Saræ, in repromissione etiam Dei non habuit diffidentiam, sed confortatus est fide dans gloriam Deo, plenissime sciens, quia quacunque promissit, potens est & facere.*

CONCLUSIO.

19. Papæ ex Cathedra loquentis in fidei dogmatibus decidendis non consummatum duntaxat iudicium, consistens formaliter in fidei actu per Pri-

mam Veritatem specificato, omnimodam habet certitudinem, sed prudentialibus etiam Summi Pontificis ex Cathedra Apostolica decernentis actibus, ad fidei præferentiam iudicium præter dispositivis, *practica* supernaturalis dictaminis à Spiritu sancto moti inexistit certitudo.

Explicatur. Hujus conclusionis non inepta sit explicatio ex processu actus, quo sacra Scripturæ libros antehac abfconditos contigit, aliquando definiti tanquam Canonicos. Antiquitus nimirum in Catalogum Canonicorum, ac Divinorum voluminum non erant relati libri Tobie, Iudith, Esther, Sapientie, Ecclesiastici, duo Machabæorum &c. & tamen de ijs semper emicabant in Christi Ecclesiâ quædam scintillæ argumentorum, ex quibus S. Augustinus lib. 2. de *div. Christ. cap. 8.* permotus fuit, ut catalogum sacrorum Veteris Testamenti librorum eundem cum illo statueret, quem sacra Tridantina Synodus tandem definivit.

Ipsissima illa argumenta in tantum resplicere cæperant, prudentialisque credibilitatis evidentiâ eâ cum energiâ exerebant, ut libri illi antehac apocryphi in Concilio Carthaginensi III. reciperentur tanquam Divini. In vi eorundem argumentorum magis ac magis in Ecclesiâ sanctâ reluctentium inducto Innocentius 1. in *epist. 3. ad Exuperium*, & Gelasius in decreto de *libris sacris, & falsis* in Concilio Romano septuaginta Episcoporum, ut libros illos referret in catalogum Divinorum voluminum. Quid ni ergo dixeris, in hoc statu scintillas argumentorum ex cineribus quasi emicantium, à Spiritu sancto excitatas, in illorum Summorum Pontificum mentibus suscitasse facem quandam supernaturalis credibilitatis, sub qua fuerit formatum iudicium prudentiale supernaturale, eo ipso, quod à Spiritu sancto ingerebatur, *practice* infallibile, in vi cuius voluntas eorundem Pontificum supernaturali Spiritu sancti motione excitatâ, intellectum illorum, fidei lumine informatum raperet in obsequium Primæ Veritatis sub modio adhuc latentis, sed ob mentis oculos in illis Summis Pontificibus per supernaturalem credibilitatis prudentialis evidentiâ positæ, per ipsius fidei infallibilem, ac irreformabilem certitudinem amplexatâ, indeque per decreta autoritativa super Ecclesiæ candelabrum collocari cæptæ. Quare illa de præcæcis Voluminibus per Summos Pontifices Innocentium, ac Gelasium definita, ut sic per Primam Veritatem in se immediatè attestatam formaliter specificata veritas ex tunc in eo erat statuta, ut Papæ ex Cathedra decernentis iudicio, fidei actum formalissimè importanti non posset major quoad se accedere firmitas: attamen quoad nos, in ordine scilicet ad fidelium certificationem, Veritatis ejusmodi Divinæ erga cunctos fideles prudentialiter applicatoriam, is habet progressus, ut ipsissimus ille Divinorum Volumi-

Luminum catalogus a Concilio Florentino in Decreto Eugenij ad Armenos, & tandem a Tridentino Sess. 4. catenus ponere super candelabrum sancte Ecclesie, quatenus per Universali Ecclesie et Occumenica Synodo representata confessionem illi fidei firmitati adaptabatur convincens credibilitatis supernaturalis prudentiale practice omnino certum ac evidens argumentum, in vi cujus obstringerentur fideles ad prestandum fidei assensum veritati taliter definit.

21. Quemadmodum proinde Papae judicium dogmatis illius ex ipso fidei Formali motivo, atque adeo ex Primæ Veritatis superimmensa autoritate determinativum, sicque ex Petra, seu cathedra apostolica, supra Ecclesie sancte candelabro poni coeptum, obtinebat infallibilem non fidei duntaxat in substantia supernaturalem certitudinem, sed huic in Papa prae lucebat fax quaedam prudentialis credibilitatis evidenciam ingerens in substantia æque supernaturalis, ac practice demonstrans veritatem illam sub fidei medio latentem, ex Primæ Veritatis motivo merito amplectendam, indeque publicæ fidei exponendam, atque super candelabrum sancte Ecclesie constituendam esse, ut luceat omnibus, qui in domo Dei sunt. Sic proinde eâ fidei veritate per Ecclesie sancte in Concilio Occumenico representata confessionem super candelabro jam positâ, fideles universi a Spiritu sancto pariter ducuntur ad fidei assensum eidem prestandum, in Primæ Veritatis obsequium captivando intellectum suum, ex supernaturali Spiritus sancti motione directâ per convincentem credibilitatis prudentialis evidenciam, Ecclesie in Concilio Occumenico representata cum Capite confessioni innixam, cujusmodi adeo judicium fidei prævium, voluntatiq; per Spiritum sanctum movendæ, & intellectum fidei lumine informatum in fidei obsequium captivanti præluens, æque supernaturale est, obtinens adeo supernaturalem practice certitudinem. Quod proinde cujusque fidelis proprium tum fidei, tum prudentialis credibilitatis supernaturale judicium in substantia non differt a judicio Papæ ex Cathedra apostolica seu fidei Petra ad universam Ecclesiam, sive in Concilio, sive extra Concilium loquentis: sed tota differentia est in hoc, quod Spiritus sancti gratia talis judicij tum fidei, tum prudentie supernaturalis directiva & efformativa, æterorum fidelium subiectum ordinariè non egrediatur; in Papa verò quâ Ecclesie Capite sit ejusmodi Divinæ gratiæ effluxus erga totam Ecclesiam, in vi cujus per Spiritum sanctum directionis, Papa ex cathedra loquens non possit decernere, ac Ecclesie denunciare aliud, quam verum fidei judicium, unâ cum prudentialis supernaturalis credibilitatis argumentis practice certis, & fallere impotentibus. Et hæc est fundamentalis ratio, per quam certò asserere licet, tum quod Papa ex Cathedra loquens errare non possit, tum quod in dogmaticis sanctionibus eâ potius Spiritus sancti assiscentis, per quam non ex prudentia humana error obnoxia, sed ex supernaturali

per Spiritum sanctum motâ ac directâ prudentiâ decernat; prout magis elucet aditu per subsequentes argumentorum adversantium confutatorias probationes.

PROBATIO I.

Confutatoriâ I. Adversariorum argumenti.

Quid ni enim, quod de quovis per fidei 22. supernaturale lumen, ac prudentiam infusam vi sacramenti Baptismatis instructo verificatur, proportionabiliter dicere fas sit de Summo Pontifice? At in quolibet homine fidei verum obtinet, quoddam operatur ex fidei lumine supernaturali, vel etiam infusæ prudentie habitu, ut sic errare non possit; cum ceteroqui error seu speculativus fidei luminis, seu practice prudentie infusæ habitui imputaretur, sicque reduceretur in ipsum Spiritum sanctum. Quotiescunque igitur Papa procedit ex ipso fidei supernaturali lumine, ac infusæ prudentie habitu, nefas foret dicere, ipsum ut sic errori obnoxium esse. At verò quando Summus Pontifex, non quâ privatus Docteur tractat de rebus fidei, sed ejusmodi dogmata decernit ex Cathedra sua Apostolica, ut sic procedit ex Petra, super quam edificatur Ecclesia. Eo ipso autem, quod Ecclesie forma substantialis sit fides, atque adeo Ecclesie edificatio sit formaliter per fidem, oportet, Papam ex Petra, seu Cathedra Apostolica fidei dogma definientem, loqui ex ipsâ fide per prudentialem supernaturalem Spiritus sancti directionem excitari soliti. Quemadmodum igitur fidei lumen in suis actibus nequit errori obnoxium esse, uti nec infusa prudentia in suæ supernaturalis directionis dictamine potest practice fallibilis esse, sic neque Papa in fidei dogmatibus ex Cathedra sua Apostolica decernens, potest errori & fallibilitati obnoxius esse, tametsi quasi a posteriori quoad nos, circa hoc Facti punctum, quod Papa decreverit ex Cathedra, seu fidei Petra, majoris adhuc assecurationis firmitas accretescere in nobis valeat ex Ecclesia Universalis cum Capite confessione, seu infallibili prudentiali argumento practice nos certificante de illo, quod est Facti, id est, quod Papa definierit ex Cathedra sua Apostolica. Atque hæc in homine, legitimo Petri Successore, quâ ex Pastoralis officij supereminenti procedente, inconcussa infallibilitas non tam miraculum, utpote ejusdem ordinariam importans prerogativam, quam supernaturale donum gratiæ tum fidei, ac supernaturalis prudentie, tum gratis datæ, reputandum est.

PROBATIO II.

Refutatoriâ 2. Adversariorum argumenti.

Providentiâ namque Divina disponens 23. omnia suaviter in agibilibus humanis, ita se attemperat conditioni humanâ, ut, quem 24. LLL admo-

admodum prudentia naturalis duobus nititur principijs; altero se tenente ex parte finis, in eo qua recta rationi consono procurando; altero se habente ex parte mediorum, in his per circumspectam omnium circumstantiarum providere, ac ex honestatis ratione pensandarum considerationem, convenienter ordinandis: sic prudentia infusa per Spiritum sanctum moveri, ac dirigi consueta, & que supponit in homine tum finis rectitudinem etiam supernaturalem, tum mediorum ad hunc ex supernaturalem honestatis moderatione circumspectam premeditationem. Quae equidem in homine circumspectio se habet erga prudentiam infusam per modum quasi materialis, cui Spiritus sanctus superstruit gratiae suae directionem, humanae intelligentiae vires superexcedentem, omnimoda practicae etiam supernaturalem certitudinis superinductricem. Eiusmodi proinde prudentiae non humanae & naturalis, sed infusae ac supernaturalis directio intervenit in ijs etiam, quae facti sunt, dum Papa ex Cathedra sua Apostolica decernit. Quare per se & quoad ipsam rei veritatem profusum certum est, quotiescunque Papa erga Universam Ecclesiam decernit ex vi sui Pastoralis muneris publici ac Oecumenici, ne in ijs quidem, quae facti sunt, practicae, id est, quoad rectitudinis moralitatem a le praecipiam, esse errorem obnoxium, licet materialis quidam intellexerit error, qui tamen neque prudentia infusae, neque honestatis moralis ut sic intentae, ac definitae formalem bonitatem inficere posset.

24. Nihilominus, ut quoad nos subsistat certitudo, qua securi omnino sumus, quod Papa egerit ac decreverit, non ex humana & naturali, sed infusae ac supernaturali prudentia, ad hoc indigemus singulari quopiam argumento nostri intellectus ea super re certificativo, dum prudentiae supernaturalis practicae infallibilis, & naturalis errori etiam practico obnoxio differentias in seipsis penetrare haud valeamus. Promisit equidem Christus Apostolis, se ad finem usque mundi cum ipsis, eorum adeo etiam Successoribus futurum. Spiritumque sanctum edoctorum eos omnem veritatem, ex vi huius tamen praeminentiae non extraxit illos esse sorte hominum, per quam erroris sunt obnoxii: attamen in gradu Apostolico constitutos Pontifices Summos, qua ex huius Cathedra decernentes, dotavit infallibili Spiritus sancti assistentia. Unde quamprimum certificantur fideles, Papam decernere ex hac Apostolica Petra, practicae certi esse debent tum de fidei veritate, tum de morali honestate decreti huiusmodi. Quae proinde de Papae, qua ex Cathedra loquentis praeminentia, per Spiritum sanctum mota & directa certificatio omnimoda, quasi ultimatae & permaxime innotescit fidelibus, ex Ecclesiastica cum Capite suo intra Concilium Oecumenicum representata consensione; uti ex antecedentibus constare licet.

S. III.

Nostratis sententiae argumenta referuntur ac expenduntur cum conclusione super iisdem reflexiva.

ARGUMENTUM I.

Ex Veteris Testamenti tabulis desumptum.

Ita namque habetur Deut. 16. Si difficile, & ambiguum apud te iudicium esse perspexeris, causa & causam, lepram & lepram, & iudicium intra portas tuas videris verba variare; surge & ascende ad locum, quem elegerit Dominus Deus tuus, veni & ad sacerdotem Levitici generis & ad iudicem, qui fuerit illo tempore, quodque ad eis, qui indicabunt tibi iudicij veritatem. Qui autem superbit, nolens obedire sacerdotis imperio, qui eo tempore ministrat Deo tuo, ex decreto Iudicis morietur. Ad hoc Domini praecipuum respiciens Iosaphat Rex Paralip. 2. cap. 19. sic alloquitur Sacerdotes: Omnem causam, qua venerit ad vos fratrum vestrorum, alienaque questio est de lege, & de mandato, de caeremonia, de justificationibus, ostendetis eis, ut non peccent in Dominum. Amarias autem Sacerdos & Pontifex resister in his, quae ad Deum pertinent, praesidio. Unde Ecclesiasti. 12. dicebantur verba sapientum esse stimuli, & sicut clavi in altum defixi, quae per Magistrorum consilium data sunt a Pastore tuo. Nil amplius, fili mi, ne requiras.

Ex praecipito igitur Deuteronomij texto 16. sacro Author Regalis Sacerdotij est. lib. 3. f. 2. n. 1. sic argumentatur. Vel Summi Sacerdotis in Veteri Testamento infallibile, & irreformabile erat iudicium, vel non? Si erat, hoc ipsum est, quod volumus, quodque probare intendimus: nec enim privilegium & assistentia Spiritus sancti Synagoga concessum, Ecclesiae longe nobiliori negandum est: utpote quam toto orbe diffusam impugnant haereses, & proinde uno & infallibili iudice magis indiget, qui finem discordij imponat. Si vero Summi in Antiquo Ecclesiae Sacerdotis sententia infallibilis & irreformabilis non erat: cur ab illa non admittitur appellatio? & qui non acquiescit, morti iubetur? Plane dignus morte non est, qui in rebus fidei dubiam, incertamque sententiam non admittit, cum fidem oporteat, esse indubiam, certamque; nec unquam nisi in ultimo supplicio affectus sit, qui a iudice & sententia appellavit, a qua appellare potuit, quae scilicet ultima non est.

Obiectio.

Instari potest ex parte adversa. Pontifex in Veteri Testamento sententiam fuisse quidem certam, sed a Pontifice in Concilio & ex Concilij suffragijs latam, ut patet ex verbis sacri Textus, qui non de uno Pontifice, sed de pluribus loquitur; & ideo Hebraei & Sigonius lib. 6. de repub. Hebr. c. 7. explicavit de Magno Concilio Sanhedrim, quod po-

Responsio.

34. **I**dem Author respondet in hunc modum. Hanc exceptionem aperte pugnare cum Christi verbis. Hæc enim tam clara sunt, tam aperte in solum Petrum diriguntur, & adeo nulla Ecclesiæ, aut Concilij fit mentio, ut videantur Adversarij nostri non tam suam opinionem ad Scripturam accommodare voluisse, quam potius Scripturam, volentem nolentemque, in suas partes trahere, ut non tam ipsi, quod Scriptura, quam Scriptura, quod ipsi, sentiret. Quod si velint, donum & privilegium Petro, & successoribus collatum, *mediatè* ipsi etiam Ecclesiæ collatum esse, quæcum à Petro gubernari se patitur, errare non potest; quemadmodum quidquid boni natura capiti concessit, illud totum in bonum, & directionem corporis redundat; id quidem verissimum est, & sensui SS. Patrum omnium consentaneum: sed sententiam nostram confirmat potius, quam evertit.

Iterata objectio.

35. **E**xciপি denique potest ex parte adversa. Ex eo Evangelij textu non haberi, quod Pontificis iudicium etiam extra Concilium docentis infallibile sit.

Responsio.

36. **P**ræfatus Author ita respondet. Cùm Christus nullam omnino Concilij mentionem faciat, multoque minus infallibilitatem Petri illi adstringat; gratis & sine fundamento hanc limitationem ab ipsi opponi, qui dolent, Scripturam aliter loqui, quam ipsi vident. Si Petri fides à Concilij directione, & non contra Concilij fides à Petro penderet; non tam Petrus fratres suos confirmaret, quam ipse à fratribus confirmaretur.

ARGUMENTVM III.

Ex *Matthæo 16.* petnum.

37. **E**x huius namque Evangelij sacro textu vincitur, Petrum, eisque successores esse Petram & fundamentum Ecclesiæ, contra quam portæ inferi non prævalebunt. Unde Author *Regalis Sacerdotij cit. §. 2. n. 3.* hunc in modum argumentatur. Si Petrus, eisque successor est fidei Petra, oportet, illum, cum publicè, & cum potestate docet (tunc enim maximoperè officio suo fungitur, & Petram agit) concuti in fide non posse, multo minus frangi, aliàs non tam Petra, quam arena esset: & quid plus alijs Doctoribus & Episcopis Petrus accepisset, quæve ratione Petræ titulum magis meritis esset, si æquè, ac illi, posset in fidem impingere, evertique, & errores docere? Si Petri, omniumque Episcoporum in credendo, docendoque, quæ sunt fidei, par est conditio, omnes pariter erunt petræ, nec majori titulo Petrus, quam illi: si verò Petri, & aliorum Episcoporum non est in fide par conditio, oportet, plus Petro, eisque successoribus, quam alijs Episcopis tribui: & quid hoc aliud? nisi quod cadere illi omnes in errores possint; imò pleræque hæreses ab Episcopis aut natæ, aut nutritæ; Pe-

trus solus, eisque successores non possint; & ideo Petro, non alijs dictum esse: *Super hanc Petram ædificabo Ecclesiam meam.* Rursus: Si Petrus, eisque successores sunt fundamentum Ecclesiæ, contra quam portæ inferi non prævalebunt, hoc est, quæ nunquam corruet, nunquam errabit, aut deficiet, multo magis oportet, fundamentum corruere, & deficere non posse: quid enim hoc portenti, ut stante domo, fundamentum cadat? Aut ergo fundamentum Ecclesiæ non est Petrus; aut si est, eo cadente, cadet Ecclesia, & Ecclesiâ non cadente, necipsum cadere poterit.

Objectio.

Exciপি fortassis Adversarij. Petro dicta esse illa Christi verba, quatenus representabat Ecclesiam: & ita hanc promissionem non tam Petro, quam Ecclesiæ factam esse.

Responsio.

Præfatus Author respondet. Id verum esse, si dicas, firmitatem & constantiam fidei Petro promissam, etiam ad Ecclesiam pertinere, imò propter Ecclesiam factam esse, quemadmodum soliditas fundamenti est soliditas ædificij, & hoc ipsum Patres voluerunt; sicut enim caput totum hominem representat, ita Pontifex Maximus Ecclesiam toto orbe diffusam; in cuius rei figuram Summus apud Hebræos Sacerdos totum orbem terrarum vestis Pontificiæ inscriptum gestabat, iuxta illud *Sapientis 18. in vestu pedibus totus erat orbis terrarum.* Et teste Epiphano *lib. de lapid. & gemmis.* Idem Pontifex tempore Salomonis Regis, præcedens velut illi constantiæ, & Petræ firmitati, quam Christus Vicario suo promissit, præter gemmas Rationalis, adamantem, binis smaragdus incinctum, ad pectus gestabat; qui Deo placato, serenâ luce perfundebatur, irato verò & accinso vindictæ, sanguineus micabat. Si verò sic Petrum Ecclesiam representasse dicas, ut tota firmitas & indelicientia veræ fidei ad Ecclesiam pertineat, excluso Petro; inprimis nihil potest dici, quod magis Evangelio repugnet, eisque sententiæ: cum sole clarius sit, Christum ad Petrum loqui, illi fidem polliceri, ejus confessionem præmio afficere, & denique multis modis, & velut anxie laborare, ut Petrum ab alijs distinguat, eumque solum, non alios designet, nullâ Concilij mentione, nullâ Ecclesiæ factâ, nisi quod hanc dicat, se Petro inædificaturum.

Deinde, si hoc modo, quo Adversarij volunt, Evangelium intelligas, sensus erudit planè absurdissimus, hic enim erit: *Tu es Petrus, & super Ecclesiam, quam representas, ædificabo Ecclesiam meam.* Aut ergo Ecclesiâ sibi ipsi fundamentum est: aut duæ sunt Ecclesiæ, quarum una fundamentum est alterius: aut Petrus est Ecclesiæ fundamentum; & si est, quærimus, qui fieri, possit, ut huius fides & doctrina deficiat, stante Ecclesiâ? Quod si ad alios sensus hæc Evangelij verba detorqueas, quasi fundamentum Ecclesiæ non sit

CONCLUSIO.

EX Divini Verbi Oraculis efficaciter demonstratur, Papam, quatenus munus pastoralis à Christo sibi concessæ potestatis erga universam Ecclesiam exercet, in rebus fidei, imò & decretis morum, errare non posse.

Explicatur. Oportet namque, pro veritatis semitâ illibatè tenendâ distinguere inter Officium pastorale Romanæ Cathedræ, & inter personam in ista Cathedrâ sedentem. Ex D. Augustino lib. 2. contra epist. Pessian. cap. 51. Hæc autem distinctio in eo se tenet, quòd errores ac vitia personæ nullatenus redundare possint in Cathedram Apostolicam Romanæ Ecclesiæ. Ex Sancto Augustino cit. cap. 51. Unde non tam hîc laborandum de particularibus Summorum Pontificum personis, quàm de Cathedrâ Pastoralis erga universalem Ecclesiam officij? An scilicet, quando Pontifex Romanus loquitur ex Cathedrâ, sive ex officio suo Pastoralis erga universalem Ecclesiam, possit facere Decretum fidei, vel bonis moribus contrarium?

PROBATIO I.

Ex illis Christi Domini verbis Luca 22. Ego rogavi pro te, ut non deficiat fides tua.

ETENIM hæc oratione Christus Dominus duo impetravit privilegia, alterum personale, ut Petrus scilicet haberet in fide liberrimam, fortissimam, invictissimam, perfectissimamque voluntatem, Ex sancto Augustino lib. de corrept. & gratiâ. cap. 8. Alterum reale, Pastoralis erga universalem Ecclesiam muneri annexum: Christus enim ita oravit pro Petro, ut conversus aliquando confirmaret fratres. Unde ita à Christo impetrata fidei firmitas non debebat se continere intra personam Petri, quin erga fratres curæ ipsius Pastoralis committendos se diffunderet. Ex quo sequitur, illam fidei firmitatem esse privilegium Petri quâ universalis erga Ecclesiam pastoris, Atqui privilegium ex Christi Domini voluntate annexum isti Pastoralis muneri, eo ipso est perpetuum, quòd habeat respectum ad perpetuum itatum Ecclesiæ, à portis inferi nunquam superandæ. Christus igitur Dominus illâ suâ oratione impetravit fidei firmitatem, quâ connexam cum Pastoralis munere, Ecclesiæ perpetuo usque ad finem sæculi duraturæ coexistituro.

At sicuti pastorale perpetuo Ecclesiæ statui annexum munus, Petro per Martyrium sublato, debuit persistere in successoribus, sic fidei firmitas secundum efficaciam orationis Christi connexa cum isto pastorali officio, debet consequenter ad Successores quoque transferri. Constat igitur, ex efficacità Christi orationis, Petri in Pastoralis erga universalem

Z z z z

fit Petrus, sed fides Divinitatis Christi, quam professus est: in primis Evangelio vim facis, cujus tam antecedentia, quàm subsequenta verba omnino ad Petrum diriguntur, occasione ex illius confessione captatâ. Deinde Petri & Pontificis Romani primatum, hoc est, arcem religionis Catholicae evertis: hoc enim Evangelij loco aut sublato, aut in alienos sensus exposito, nihil amplius superest, quo adversus Calvinistas, & Lutheranos primatum defendas.

41 Firmatur ea responsio ab autoritate. Sanctus namque Leo ad Episcopos Vienneses epist. 78. ita scribit: Hujus muneris sacramentum ita Dominus ad omnium Apostolorum officium pertinere voluit, ut in Beatissimo Petro principaliter collocaret, ut ab ipso quasi quodam capite dona sua, velut in corpus omne diffunderet, ut exortem se mysterij intelligeret esse Divini, qui ausus fuisset se à Petri soliditate dividere. S. Augustinus Serm. de Cathed. Petra ergo pro devotione Petrus dicitur, eò quòd primus fidei fundamenta posuerit, & tanquam saxum immobile totius operis Christiani compagem, molemq; contineat. Origenes in hunc locum Matth. Manifestum est, etsi non exprimitur, quòd nec adversus Petrum, nec adversus Ecclesiam portæ prævalere poterunt inferorum: nam si prævalerent adversus Petram, in qua fundata Ecclesia erat, contra Ecclesiam etiam prævaleret.

ARGUMENTUM IV.

Ex Joannis ultimo desumptum.

42. Ibi namque Petro, ejusque Successoribus tanquam totius Ecclesiæ Pastoribus ovium Christi cura & regimen committitur per ista verba: Petre amas me? Pascere oves meas. Unde Author Regalis Sacerdotij argumentatur. Per ea verba Petrus, ejusque successores constituti sunt Doctores & Pastores totius Ecclesiæ; aut ergo docentes illos, præsertim quæ sunt fidei, tenetur Ecclesia audire, aut non tenetur? Si tenetur, ergo illi, cum docent, errare non possunt. Nam si possent, erraret etiam Ecclesia, quæ illorum doctrinæ tenetur acquiescere. Si verò Ecclesia non tenetur ea credere, quæ Summus Pontifex ex Verbo Dei credenda esse, definit, non tam Petrus, quàm ipsa Ecclesia erit sibi Pastor, imò ipsa Petrum pascet, quia ipsa errantem Pontificem corriget, ipsa ducet, ipsa, an Petri sententia cum Verbo Dei conveniat, an se eus, judicabit, discernetque, hoc est, quod nunquam factum, nunquam auditum fuit, non ipse Pontifex confirmabit, reprobabitque fidem Concilij, sed Concilium fidem Pontificis: sicque malè Christus Petro dixerit: Pascere oves meas: cum potius ovibus & Ecclesiæ dicere debuisset: si me amatis, pascite Petrum & Vicarium meum, errare hic potest, & in abrupta defertur, & falsa pro veris docere: vos ergo Pastori Pastores esto & cadentem subleвате, hoc est, discipuli Magistrum docete, & oves Pastorem ducite.

quis. III.

Solus, episcopus successor...

Objectio.

Responsio.

41. Firmatur ea responsio ab autoritate...

42. Ibi namque Petro, ejusque Successoribus...

sam Ecclesiam munere successoribus competere fidei firmitatem. At ista fidei firmitas eo ipso deficeret in tali Pastoralis munere, si Papa utens potestate ejusmodi erga universalem Ecclesiam, conderet decreta fidei adversantia. Ex illa igitur Christi Domini orationis efficaciam concluditur, fieri nullatenus posse, quod Romanus Pontifex, si loquatur ex Cathedra sui Pastoralis officij erga universalem Ecclesiam, condar decreta fidei repugnantia. In quem adeo sensum Theophylactus in cap. 21. Lucæ ait: *Quia te (scilicet Petrum) habeo principem discipulorum, confirmo ceteros. Hoc enim decet te, qui post me Ecclesie petra es & fundamentum.*

46. Vides igitur, fidei firmitatem, quæ Petrus confirmaret ceteros, esse ex eo, quod esset princeps discipulorum. At eo ipso, quod iste in Ecclesia principatus ex Christi Domini promissione sit connexus cum perpetuo Ecclesie statu, non potuit in Petri personam extingui, sed transire debuit ad successores. Ergo illa fidei firmitas Petro impetrata ita stat in ejus successoribus, ut propterea Petrus Chrysologus in Epist. ad Eutychemen relatato. 1. Concil. Chalcedon. ita scripserit: *Hortamur te Frater honorabilis, ut his, quæ à beatissimo Papæ Romana Civitatis scripta sunt, obedienter attendas; quia B. Petrus, qui in propria sede vivit, præstat querentibus fidei veritatem. En igitur, non tam personam, quam sedem Petri hodie viventem attendi debere, utpote cui annexa sit fidei veritas, adeo, ut Divus Bernardus in Epist. 190. ad Innocentium, ubi asseruisset, in Cathedra Romanâ non posse fidem sentire defectum, exclamet: Cui enim Sedis dictum est aliquando: Ego rogavi pro te, ut non deficiat fides tua?*

47. Confirmatur. Nam ex præactâ Christi Domini orationis efficaciam, firmitatem fidei in Romanâ Cathedra seu Ecclesia concludunt Pontifices primorum duorum, seu trium sæculorum, Lucius I. in Epist. ad Episcopos Hispaniæ & Galliæ. Felix I. in Epist. ad Benignum. Illius enim prioris verba ita se habent: *Ecclesia Romana Apostolica est, & mater omnium Ecclesiarum, quæ à tramite Apostolicæ traditione nunquam errasse probatur, nec hæreticis novitatibus depravata succubuit, secundum ipsius Domini pollicitationem dicentis: Ego rogavi pro te. Posterior porro Pontifex ita scripsit de Ecclesia Romanâ: Ut in exordio vortam fidei Christianæ percepti ab auctoribus suis, Apostolorum Christi principibus, illibata manet, juxta illud: Ego rogavi pro te.*

PROBATIO II.

Desumpta ex illis Christi Domini verbis Matth. 16. Et super hanc Petram ædificabo Ecclesiam meam, &c.

48. NAM ista Christi verba esse accipienda de Petro, ita ut super ipsum ceu petram esset ædificanda Ecclesia, docent Tertullianus de præscript. hæret. cap. 22. Cyprianus Epist. 40. & de Vnit. Eccles. Basiliius Magnus ad cap. 2. 1. 1. 1.

Gregorius Nazianzenus art. 2. de Moderatâ in orat. habendâ. Cyrillus Alexandrinus lib. 2. in Ioan. cap. 12. Ambrosius Sermon. 47. Hieronymus in cap. 16. Matth. Augustinus Sermon. 5. in festo Petri & Pauli, & alibi sæpe.

At eo ipso, quod Ecclesia super hanc petram ita ædificanda foret, ut simul Christus eidem Petro contulerit potestatem clavium, oportet, istam potestatem ex Christi Domini promissione connexam esse cum fidei petra, in Petro semper usque ad consummationem sæculi duraturâ, nec à portis inferi unquam vincendâ. Hinc autem sequitur, potestatem clavium potestatem cum petra fidei connexam minimè exspirasse in Petri personam, sed hujus sedem, utpote cum perpetuo Ecclesie statu connexam, ita vivere in successoribus, ut his competat pastoralis erga universam super petra fundatam Ecclesiam officij primatus; uti expressè statuunt Concilium Nicænum 1. Can. 6. Ephes. 1. sub verbis Philippi Presbyteri. Chalcedonense ad. 1. 2. 3. & 16. aliæque generales Synodi; nec non ex Patribus Polycarpus apud Sanctum Hieronymum de viris illust. Irenæus lib. 3. cap. 3. Athanasius in Epist. ad Felicem Papam. Basiliius Magnus in Epist. ad Athanasium. Chrysolomus in Epist. ad Innocentium Papam. Cyrillus in lib. Theol. Cyrillus Alexandrinus in Epist. ad Damasum Papam. Hieronymus Epist. 59. ad Damasum Papam. Augustinus lib. 2. de Baptis. contra Donatistas cap. 1. & alibi sæpe. Cum igitur Petri primatus cum Petra seu fidei firmitate inseparabiliter connexus vigeat in Romanâ Cathedra, oportet, Romanum Pontificem, dum ex illâ Cathedra, id est, ex munere suo Pastoralis ad universam Ecclesiam, fidei, vel morum decreta condendo, loquitur, errare non posse: quomodo enim aliâ portæ inferi non essent prævalitura? Confirmatur specialiter ex subsequentibus Christi verbis: *Portæ inferi non prævalent adversus eam, scilicet Ecclesiam. Nam isthæc verba connectuntur una proximè præcedentibus: super hanc petram ædificabo Ecclesiam meam. Ergo quatenus super petram, id est, Apostolicam Petri Cathedram, est fundata Ecclesia, non possunt ipsi prævalere portæ inferi, nec adeo potest deficiere Ecclesia super Cathedram petra, ceu petram ædificata. At forma Ecclesie essentialis est fides. Unde si fides in Ecclesia deficeret, oporteret, formam Ecclesie substantialem deficere. Nequit autem Ecclesia stare super petram ædificata, si nec ipsa petra sit immota in fide, Ecclesie formâ substantiali. Ubi verò vel in unico fidei dogmate interveniret aliquis error, jam moraliter affectivè destrueretur motuum fidei specificativum, nempe Prima Veritatis in omni verbo suo omnimoda infallibilitas: siquæ adeo corruente hoc motivo intrâ Cathedra Apostolica petram, super quam ædificatur Ecclesia, quomodo illud ædificum Ecclesie substantiale fidei formâ destitutum subsistere valebit? Quomodo igitur portæ inferi adversus Ecclesiam quæ super istâ petra ædificata non prævalerunt?*

